


本古廟各項紀念碑文



本古廟創建紀念碑文

從來位至尊者合受封禪之典有大德者當隆廟食之報故寶夫人降福於秦則有陳寶邨峙之舉鍾巫氏顯靈於魯爰與丹楹刻桷之修若乎洋溢中國張岳之堂構宏麗施及蠻貊蘇馬之殿庭常新縱使杉松而巢水鶴豈失伏蠟以走村翁唯茲嘖奉祀列聖多歷年所屢協升雲降雨之禎符甯不植璧秉珪以祈禱緬想乎慧眼慈航渡衆生而歸覺路婆心護國保黎庶以濟巨川提三尺而誅妖江西偃單刀而威震河北伏猛虎之威威靈如昨製飛鳶之巧巧機傳今至於鎮北極則柄分東皇司玄天則權並赤帝備大德於當時而日棠芟黍偏留陰雨之膏靈恩波於後世而解慍阜財遠溥薰風之曲假使規模狹隘曷足爲萬民之壯觀惟是渠渠祠屋始足肅遺像之清高是用集我唐人偕茲士女解囊樂輸同卜善基伐木鳩工爰揆吉日壬癸其坐玄武之勢鞏固丙丁其向朱雀之局坦平前者棟宇輝煌距遭回祿茲今柴府重建永瞻握丹望大雄之寶殿祥光靄靄闕插翹以迴廊瑞氣重重后枕金塔恍玉虛宮之懸壁而倍加蹉峨前臨巨津比湧金門之觀潮而更加蕩漾立中天之華觀齊日月之輝光庶幾威靈丕振萬世瞻仰矣是爲序。

伍文賀 李炳富
梁啓裕 黃洪智
李迺喜 曹光輔
梅遠賤 阮桂攀
邱信懋 陳麟思

同治七年歲次戊辰季春穀旦立

創建輔屋紀念碑文

嘗思 神德洋洋在乎左右祈禱紛紛應如影嚮 神之靈固昭昭也而本廟之 神更爲顯烈法雨慈雲仁心育物母儀水德坤道配天驅赤鬼於雲霞音容如昨披黑髮于龜蛇象貌依然掃蕩羣魔功勳同乎伏虎修造雲梯技藝勝於雕龍 聖神之功德靡涯宇宙之 恩膏更普如是徒有廟焉未足彰其壯觀如是增以廊焉更能顯其廣大予以欲依廟而輔翼之以庶焉惟是獨力難成而衆擎易舉故爰修蕪詞通告君子伏冀五湖富客黃金大解九州傑士白壁樂施集腋成裘鱣堂美而珠簾掩映雕樑畫棟鳩工畢而廟貌巍峨人敬神以顯其威靈 神賜人必厚其福澤將見魚人獲利爭傳季子之驂屐市標名勝跨揚州之鶴衢歌 帝力祐我輩於九如人受 聖恩庇吾民於三祝黃童既沐吉祥白叟亦登仁壽豈不休哉是爲序。

阮 騷 朱鐘國
梁文雅 黃 長
值事 李迺喜 趙 光
梅福遠 巫 南
陳雙衛 凌杞貴

同治十一年歲次壬申年仲秋穀旦立

重建紀念碑文

竊思寶座騰輝遍滿大千世界蓮臺煥彩遙開億萬生靈苟

非廟宇重修則 聖佛之神靈何託我廣東一廟 神威顯赫法相壯嚴四海九州無有不被其澤者也溯其創建以來日歷多年聖繡塗金敢誇曩時之壯麗而塵垣朽棟寔此日之凋殘迄今瓦脊愈陋邇來風雨難蔽久既目擊而心傷茲乃時至而事起爰筮吉日簽議重修龕殿則式玉相金棟樑則鼎新革故必使廟貌輝煌庶幾 慈光普照但鳩工集木非握粟可以告隆而種福拈金必合絲乃能成錦茲修短引遍同人銖兩百千捐題不分多少紳衿士庶臚列無論後先伏願各抒丹誠共襄美舉喜見 神堂增彩 聖殿重新將來善果綿綿借 佛幢而生色福田累累與蓮座而齊輝則為工為賈老幼咸蒙利益自遠自邇男婦共沐恩光矣是為引

大總理李迺喜

督理值事

李玉麟

朱觀象

曹秉雅

梅福遠

黃賢漢

協理值事

盧法軒

伍洪福

陳吉光

沈松裏

李泗堯

勸捐值事：

光緒十三年歲次丁亥季冬

吉旦立

紀念碑記

為眾感言

蓋聞人心樂善能盡義務有益於眾者其功德其名譽留為

紀念之理所當然即在噴噴埠我廣東觀音古廟及山場之吉地佔居優勝皆藉前人之福力造成此恩此德疇昔至今咸欽感佩世世紀念無忘今者地廣人稠山場居於埠膽四圍樓屋相近且墓地如鱗穢氣不免有碍於衛生如是地方官巡視目不忍親即起禁葬之嚴例幸得歐陽錦松君與地方官熟識善言求情願將山場一切修飾以悅人之眼簾因此禁葬之例亦罷何幸如之緣是集廟眾議公推 錦松君為廣東廟庶務長照料本廟與山場事務錦松君惠然肯來樂意辦理發起裝電燈之歡心輝煌廟貌重箔金修神樓之美觀煥彩神容從茲景象翻新神人喜樂加意日逐巡視山場監督工人修理伐枯樹除枯草種新花栽綠竹整沙欄砌路徑凡事極力支持整得潔淨奇雅以壯觀瞻不辭勞苦不計工費 錦松君之辛勤佈置如此更望後來繼志者亦如此我粵僑舉欣欣然額手而嘉頌矣諺云人能樂善為公益者應享福壽之榮倘錦松君夫婦壽滿百歲之期我廣東同人祈記其功念其德敬之以禮踴躍增光以償其願可

民國五年歲次丙辰元月十五日廣東公司眾父兄訂

本古廟重修建碑紀念弁言

竊聞行善修福，孰不如我，仰光廣東公司會長劉君從寬暨曹鳳美，鄧其清，鄺金保，李崇廣，李煥堯，崔杰南，丘嶺梅，林萬德，駱松芳，阮德銘，趙長富，陳宏典，岑炳坤，葉柏源，梁榮康，李銘立，陳金相，黃根興，黃正理，馬福根，伍國樑，李崇杰，朱錦英，雷錦瀚，周迪

民，陳中博，曹槐慶，甄金秀，趙士廣，盧鴻謨，許濟騶，伍社瑞，梅友華，蔡武榜，翁有光，林連洽，余福源，吳文仲，雷錦璇，周全歡，黃景基，鄧華煥，丘廷枝，張連珍，丘德新，甄祖安，譚瑞錦，黃治求、黃龍恩，陳週年，何恭策，黃悅歡，曾莽，曾學厚，陳課德，李居炎，曹祖現，馮賢榮，趙不忠，黎友豪，馮長進，黃才，陳子方，許大猷，洗泰興等，全體耆老，僉以古廟管理人身份，職責所在，對斯英靈顯赫，萬姓崇信之百年古廟，既經數十年風蝕雨侵，加以受第二次世界大戰之炮火震盪，雖幸仗聖神之力猶能矗立，然以頹垣壞瓦，陳陋不堪，匪惟有失觀瞻，抑且靡以安神明，而慰藉羣生，遂不避艱困，慨倡重修之議，在一唱百和融洽氣氛中，一致熱烈贊同，並公推劉從寬，陳金相，李銘立，林萬德，黃根興，趙長

富，朱錦英，李熾堯，曾學厚，李崇杰，丘嶺梅，黃正理，葉柏源，周迪民，黃治求等十五人爲計劃委員，負責計劃重修事宜，良以重修工程，規模宏偉，空前僅見，而需費浩大，自不待言，乃發動向僑界勸募，幸諸善長仁翁，修信士女，慷慨樂助，廣東公司現任耆老，輸財出力，精誠感召，鉅款立集，在三閱月短促時間，修建工作即底於成，棟樑煥彩，金碧增輝，從茲重觀堂皇壯麗之新氣象，神樂人安，謹涓於乙未年臘月十二日，隆重慶祝重修落成，奉迎菩薩返座大典，熱烈遊行演劇建醮，同僑騰歡，猗歟盛哉，良辰嘉會，豈可無記，爰立碑以略紀其實，藉以激勵羣茲，而垂紀念焉。

仰光廣東公司秘書周迪民謹識

陽曆一九五六年歲次丙申年元月吉日